

ACTIVIDADES ABERTAS A TODA A POBOACIÓN

“EN FORMA AO AIRE LIBRE”

Actividade física no parque Rosalía de Castro os luns e mércores (punto de encontro:escaleiras de baixada ás costas).

Actividade física na Praza de Augas Férreas os martes e xoves.

Datas e horario: meses de xullo e agosto, das 11:00 ás 12:00 h.

Non é precisa inscrición previa.

“BICIS A PUNTO”

Obradoiro de reparación de bicicletas. Terá lugar os martes do mes de xullo, das 17:00 ás 18:30 horas nas instalacións do Mercado Municipal (r/Quiroga Ballesteros). De balde e sen inscrición previa.

“EXCURSIÓNS DE VERÁN”

Actividades dirixidas a toda a poboación, en especial familias, que teñen por finalidade ofrecer unha alternativa cultural e de lecer.

NORMAS DE INSCRICIÓN: as solicitudes tramitaranse no centro **Lamas de Prado** entre os días **24 e 28 de xuño (incluídos)**, en horario das **10:00 ás 13:00** horas, sendo os **requisitos** os seguintes:

-Estar empadroada/o no municipio de Lugo.

-Admitirase unha soa inscrición por persoa, agás no caso de persoas da mesma unidade familiar, coa presentación do número do DNI. As prazas adxudicaranse segundo a orde de presentación das solicitudes. Pasado o prazo sinalado, as vacantes cubriranse libremente ata completar prazas.

-No caso de persoas con mobilidade reducida, deberán de especificalo no intre da inscrición para os efectos de habilitar o transporte axeitado, o cal reducirá o número de prazas totais, podendo baixar das 55 iniciais.

-As/Os nenas/os menores de idade irán acompañadas/os dunha persoa adulta.

-Prezo: **4,12 €** (pagado segundo o modelo 603, que se devolverá ao centro no mesmo día da inscrición ou no seguinte).

PROGRAMA:

SAÍDA	CHEGADA	DESTINO	DATA
Pza. de Breaña. 9:00 H.	Pza. de Breaña. 21:00 H.	Muros	17 de xullo
		Burela	31 de xullo
		Tapia de Casariego	7 de agosto
		Sada	21 de agosto

Animación sociocultural



* FINGOI	982 29 74 55
* LAMAS DE PRADO	982 29 74 50
* MARÍA BALTEIRA	982 29 74 58
* MARUJA MALLO 	982 29 75 05
* MILAGROSA	982 29 74 10
* SAGRADO CORAZÓN	982 29 74 60
* UXÍO NOVONEYRA	982 29 74 92

ACTIVIDADES INFANTÍS

“VERÁN NOS CENTROS”

- **Contido:** realización de diferentes xogos e propostas lúdico-educativas para nenas e nenos en distintos centros municipais, que poden trasladarse ao exterior, tales como xogos cooperativos, traballos manuais, psicomotricidade, educación ambiental, xogos musicais e outros.

NORMAS DE INSCRICIÓN

- **Prazo:** do 10 ao 13 de xuño (ambos os dous inclusive), en horario das 10:00 ás 13:00 horas. Cada centro de convivencia tramitará as súas propias solicitudes, agás o CC. da Milagrosa no que se cursarán ademais as correspondentes ao CC María Balteira.
- **Adxudicación das prazas:** por sorteo, que se celebrará o día 14 de xuño.
- **Importe da cota:** 1,03 euros/día (por quincenas de forma íntegra, con independencia dos días e horas de asistencia efectiva).
- **Bonificación:** 50% da cota para a/o segunda/o filla/o. A/O terceira/o filla/o dunha mesma unidade de convivencia quedará exenta/o do pagamento, previa xustificación e sempre e cando os ingresos da unidade familiar ou de convivencia non superen **dúas veces o IPREM: 7.529,76 € ano (14 pagas)**, salvo situacións socioeconómicas sobrevidas.
- **Ingreso da cota:** as persoas que obtiveran praza ingresarán os días 14, 17 e 18 de xuño o importe da cota, para o que se lles facilitará un modelo de autoliquidación nos centros de convivencia municipais. O ingreso poderase efectuar en calquera destas entidades financeiras: Abanca, BBVA, La Caixa ou Banco Sabadell. **Nese mesmo prazo** presentarán o **resgardo de pagamento** no centro no que formularan a súa solicitude.
- **Documentación que hai que achegar:** data de nacemento da/o menor e número do DNI/NIF/PASAPORTE/PERMISO DE CONDUCIR da nai/pai/titora ou titor legal da menor ou menores solicitante/s.
- **Prioridade na inscrición:**
 - a) Persoas **derivadas polos Servizos Sociais** do Concello de Lugo. Resérvase un máximo dun 40% das prazas para persoas con diversidade funcional e outros colectivos de usuarios/os dos servizos sociais comunitarios, segundo o criterio da persoa responsable de animación sociocultural e tras a derivación da/o profesional da Área de Benestar Social, Igualdade e Inclusión que corresponda.
 - b) Persoas **empadroadas** no Concello de Lugo, en xeral.
 - c) Outras nenas e nenos, sempre e cando queden prazas vacantes

DESENVOLVEMENTO

Terán lugar nos centros que se indican nos recadros inferiores durante as dúas quincenas, respectivamente, dos meses de xullo e agosto, de luns a venres, primeiro e último día incluídos.

- Primeira quincena de xullo: do 1 ao 15 (11 días)
- Segunda quincena de xullo: do 16 ao 31 (11 días)
- Primeira quincena de agosto: do 1 ao 14 (10 días)
- Segunda quincena de agosto: do 16 ao 30 (11 días)

VERÁN EN...	IDADE(*)	HORARIO	PAZAS
UXÍO NOVONEYRA	4 A 6 ANOS 7 A 9 ANOS	10:30 A 13:30 H	20 POR GRUPO
FINGOI	4 A 7 ANOS	10:00 A 13:30 H	20
	8 A 11 ANOS		12
MARÍA BALTEIRA	4 A 11 ANOS	09:00 A 14:00 H	20
LAMAS DE PRADO			25
MILAGROSA			25
MARUJA MALLO	3 A 8 ANOS	8:45 A 14:15 H	25

(*) É preciso ter cumprido o requisito da idade na data de formalización da solicitude.